



JABATAN PERKHIDMATAN VETERINAR MALAYSIA

LAPORAN LIPUTAN MEDIA

20 NOVEMBER 2020

1. Kandang ditenggelami air, 20 ekor kambing ditemui mati
2. Amuk lembu makan rumput ditanam.

OLEH:

**SEKSYEN KOMUNIKASI KORPORAT
BAHAGIAN PERANCANGAN STRATEGIK DAN PENILAIAN VETERINAR
JABATAN PERKHIDMATAN VETERINAR MALAYSIA**



SEBAHAGIAN kambing yang mati akibat tenggelam dalam kejadian banjir kilat di Johol, Kuala Pilah semalam.

Kandang ditenggelami air, 20 ekor kambing ditemui mati

KUALA PILAH – Sebanyak 20 ekor kambing mati selepas terperangkap di dalam sebuah kandang akibat banjir kilat yang berlaku di Kampung Air Taling, Dangi dekat Johol di sini semalam.

Pemiliknya, Amir Mohd. Talib berkata, kejadian banjir itu disedarinya dan isteri, Maimunah Abdul Hamid pada pukul 1 pagi sebelum bergegas ke kandang untuk menyelamatkan 52 ekor kambing ternakan mereka dan palet makanan.

“Pada pukul 12.30 tengah malam (semalam) saya sempat menyelamatkan palet makanan kambing dan menarik sebahagian kambing naik ke kandang.

“Air yang deras dan naik de-

ngan cepat menyebabkan baki kambing yang lain tidak dapat diselamatkan. Kami terpaksa tunggu bomba tiba untuk menyelamatkan kami dengan bot pada pukul 5 pagi,” katanya ketika ditemui di pusat pemindahan sementara di Kampung Baru Dangi, Johol, semalam.

Menurut Amir, dia dimaklumkan sebanyak 20 ekor kambingnya mati di dalam kandang, namun masih tidak sempat melihat keadaan yang sebenar kerana berada di pusat pemindahan.

“Ini kali pertama 20 ekor kambing saya mati akibat banjir. Sebelum ini pernah berlaku banjir, namun tidak seteruk kali ini,” katanya yang baru berhabis

RM800 membeli makanan ternakan itu baru-baru ini.

Amir memberitahu, dia juga mempunyai 20 ekor lembu, namun kesemua haiwan itu selamat dan sempat menyelamatkan diri ke kawasan yang lebih tinggi.

Di Jempol, sebanyak tujuh buah rumah dinaiki air sedalam 1.5 meter dalam kejadian banjir kilat di Kampung Orang Asli Langkap, Dangi semalam.

Sekteriat Pengurusan Bencana Daerah Jempol dalam satu kenyataan memberitahu, empat buah keluarga telah dipindahkan ke Surau An-Nur di sini.

Kejadian banjir kilat itu turut berlaku di Felda Bukit Rokan, Gemenchah, Tampin.

Amuk lembu makan rumput ditanam

Dungun: Seorang lelaki menyerang seorang peneroka menggunakan parang gara-gara tidak berpuas hati apabila lembu milik mangsa dikatakan memasuki kawasan tanaman rumputnya di Ketengah Jaya di sini, kelmarin.

Dalam kejadian jam 5 petang, mangsa berusia 62 tahun cedera di muka dan menerima lapan jahitan akibat diserang suspek berusia 60 tahun.

Menurut sumber, kejadian berlaku ketika mangsa dalam perjalanan ke kandang lembunya dengan menunggang motosikal sebelum ditahan suspek yang juga peneroka.

Katanya, suspek memaklumkan lembu mangsa memasuki tanaman rumput miliknya sebelum berlaku pertengkaran mulut di antara mereka.

“Suspek yang gagal mengawal perasaan marah pergi ke arah kenderaannya sambil membawa parang lalu menye-



Suspek yang gagal mengawal perasaan marah pergi ke arah kenderaannya sambil membawa parang lalu menyerang mangsa”

Sumber

rang mangsa.

“Serangan itu menyebabkan mangsa jatuh dari motosikal manakala suspek dan menantunya yang berada di lokasi kejadian segera beredar.

“Mangsa yang luka di pipi kanan mendapatkan rawatan di Klinik Kesihatan Ketengah Jaya dan membuat laporan di Balai Polis Ketengah Jaya,” katanya.

Sementara itu, Ketua Polis Daerah Dungun, Superintendan Baharudin Abdullah ketika dihubungi mengesahkan menerima laporan berhubung kejadian berkenaan.